

臺灣文獻史料叢刊

第八輯

崇相集選錄  
廣陽雜記選  
六亭文選  
內自訟齋文選

(合訂本)

臺灣大通書局印行

臺灣文獻叢刊第一四三種

六亭文選

鄭兼才

後圖，以省消費。愚昧之見，不自揣量，乞賜採擇。

### 山海賊總論

臺灣本海寇屯踞之地，其後荷蘭奪之倭人，鄭氏又得自荷蘭。自入版圖後，乘間竊發，山賊常有，海賊不常有。山賊猝起，黨與烏合，非佔據郡縣城不能集事，若前之朱一貴、黃教、林爽文皆是也。海賊以商船爲性命，或草竊登岸，隨風去往，無所藉郡縣城；雖罪惡貫盈之蔡牽，其初時所爲，不過如是。蔡牽率衆入鹿耳門，始嘉慶五年，兵將退守安平，商船悉爲賊有。自是，蔡牽始垂涎臺灣矣。蔡牽既去，揚言越五年當再至；至期，果以賊衆至，爲嘉慶九年四月二十有八日。值雨甚，北汕砲不得發，兵潰將亡，郡城民情洶洶，賊去始定。自是，蔡牽敢窺伺臺灣矣。是年十一月，蔡牽繼至；十年四月又至，皆停泊累月。其聲勢聯絡，不熾於前，而胡杜侯餘黨洪四老等得以民無鬪志，蠱惑蔡牽。蔡牽歲資利於商船，不惜重貲厚結山賊。山賊不知自速其死，廣爲招致；而向來被擄稍知書之徒，又以天時、人事散布謠言。蔡牽自是妄稱王號，逆造正朔，於十月一日起釁滬尾，竄連東港，原集郡城；皆山賊爲之揚其一波，一若至微極賤之蔡牽，一日可以鞭笞番民、控制閩粵也。豈不悖且惑哉！

蔡牽雖垂涎臺灣，然日久計熟，所欲得志者噶瑪蘭耳。其地膏腴，未入版圖；田畝

初關，米粟足供。居郡城上流，險固可守；漳、泉人雜處，其釁易乘。而同時巨盜朱漬力足控蔡牽，又慮爲其所奪，是以揮金布賂，密謀先發；令其黨赴東港，而自留滬尾督率。意以滬尾既得，即可上迫噶瑪蘭而下制郡城。不圖羽翼未成，陸賊元凶就戮（事見胡司馬臺北紀略），不得已始率黨南下。既入鹿耳門，又遷延逾旬；若其初意在郡城，必乘無備併力急圖。蓋蔡牽雖愚，生長海涯，習聞往事，縱使僥倖得有郡城，未有不懼爲朱一貴之續。以此度群賊所爲，決非噶瑪蘭不可也。蔡牽烏合鴟張，多以林爽文比，而大勢實相反。林爽文之變，實激之使起；故釁生一時，蔓延數載，而其敗也，至於窮蹙自投。蔡牽之變，若招之使來；故勾通數載，流毒一時，而其敗也，止於詭秘自逸。以勢論之，山賊被誘迫脅身，雖從賊心懷兩端，群呼跳躍，如同兒戲；有節制之師，不足平也。海賊雖拚命敢殺，然其入港，必借勢風潮，即使登岸，必無傾船盡出之理；有勇力之師固守海口，以逸待勞，亦足恃險無虞。惟上流噶瑪蘭，官所不轄，賊所必爭，萬一民番失守，棄以與賊，臺灣之患，由是方滋。故爲臺灣久遠計，非掃清洋面以拔其根，即當致力上流以絕其望。然以化外地，通道築城、設官置卒，既格於非入告不可；而水師頻年剿滅，又苦於風濤出沒，蹤跡無常。無已，則請踵藍鼎元鹿洲集中故智，而以假扮商船之說進。

## 巡城紀事

嘉慶九年（甲子）四月十又五日，海賊蔡牽泊鹿港。未幾，自鹿港入鹿耳門，乘雨攻北線；兵潰，游擊武克瓊、守備王維光俱死之。傷把總劉煥、外委陳培，兵丁死者一十有四人。燔木城、毀礮臺，搶鐵礮大小計五十有零。此月之二十八日事也。

先是，二十五日，鳳山縣地枋寮有吳評者，糾餘黨起釁。愛總鎮、慶郡守於賊入鹿耳門之日，適同自鹿港，方以吳評事馳赴鳳山；晡刻，驟聞北線失利，總鎮移鎮安平、道府移札郡城大西門，以安平爲郡咽喉、大西門又爲通海要津也。是晚四鼓，兼才等奉召至大西門。翌日辰刻檄下，兼才分守大南門城門，左義民首捐中書科中書銜林朝英、生員張正位，右爲廩生徐朝選。城上下營兵分布，以撫標把總王兆麟暫統之。每夜交二鼓，府縣丞倅按段巡城，隨以鄉勇，往來梭織，絡繹不絕。而蔡賊據水自固，以逸待勞。三十夜，燒鹿耳門文館，武館以逼近天后宮得存。五月二日，燒商船一號。三日，以十二人駕船自鹿耳門入，焚我軍哨船三號，搶奪二號。時，義民、鄉勇、營兵、番卒布滿海岸，莫敢誰何。於是，船戶無所恃，各赴蔡牽議價自贖。十三日早刻，東南風發，賊乃擁重貨遁去。而鳳山匪黨賴彼處將卒，已就撲滅。以利害計之，山賊出入番社，聯絡聲勢，散而難防；蔡賊既入港，盤踞港內，港口險窄，去路易絕，彼而入港，

是自蹈危險。卒乃難易相反，豈非戰艦不備、軍無鬪心哉？語云：水不策驥，今即驅不習水性之羸兵，使駕戰艦應敵，已不啻策駑駘以涉水；況欲以漁艇接戰，其敗立見，宜其望敵而退。招募雖多，迄無成功也。

### 臺灣守城私記序

守城，公也。記何以私？當時在官有文告、達制有封章，皆公也。公則非僕才所得言；僕才所得言者，身之所履、目之所見、耳之所聞，感於中而因以筆於書，無虛分之嫌。而軍民之情狀、攻守之大勢以及功罪、虛實、爵賞賞否，華文告、封章所可言與不可言、所及言與不及言者，而皆以私記之。雖然，僕才所見、所聞，皆臺人之所共見、共聞也。有聞見，即有是非；有是非，即有好惡。其存於人心者，雖愚夫、愚婦不可掩；其著於公論者，雖天下、後世不能欺也。然則記私也，即不以爲公可乎！

嘉慶十二年（丁卯）九月，僕才自叙於臺灣志局。

### 紀平亂民陳周全事

乾隆六十年二月，鳳山縣民陳光愛謀亂未成事敗，其黨陳周全逃匿彰化，復爲亂攻陷縣城。未幾，伏誅。

上汪瑟葦先生書

兼才去臘歸自海外，幸免風濤，且脫賊穴；抵家後喘息方定，又事遄征。以二月望後抵都，場事甫畢，欣聞天子叨恩，命晉階閣學。屬在及門，咸深慶幸。

伏惟夫子以道德文章爲天下重，自掌成均及觀學皖江，士望翕然。憶甲子之冬，夫子自皖江還京，明春兼才謁於邸寓，視常時鬢髮加蒼，則皆校士勞心所致。今在西江，恩遇日隆，勉思報稱，惟在得人，自必因此益矢臣衷。竊謂文章一道，關乎心術、通乎情理。學使以文章取人，在得其心術之端與情性之正，然非其人不能爲，亦並不能知；況欲求之風簷、索之暗中！此得士所以難，而天下咸傾心俯首於夫子也。

古官尊者其事簡，卑者其職煩。今學使尊，其任專且勞；教官卑，職獨逸。又齋分爲二，其所優崇體恤者至矣。充其量，非大賢以上不能爲循其分，卽中材亦足以自見。乃或託語寒酸、甘心菲薄，千態萬狀，流爲笑資。固由性成，然所關已細。夫責其大而不責其細，學使之行也；務其大而不務其細，教官之行也。兼才竊以此自勵，幸不至汨沒。比來相知僚友，幸得謝君金鑾。謝君官嘉義教諭，去歲詳修臺邑志，當道檄延主纂；旣竣，復著蛤仔難紀略一卷。蛤仔難者，臺灣東北地，初爲生番社，今皆漳、泉人住

居。闢地既廣，慮併於海賊，願內屬，當事未以聞。以勢論之，郡城地近極南，蛤仔難處極北，上可及下、下不能顧上。蛤仔難即可棄，爲郡城計，不可棄也。以理論之，墾田數萬、聚衆數千，地爲化外之地、人爲向化之人。化外之地可棄，向化之人不可棄也。況其地易爲巨盜佔踞，未雨綢繆，斯爲要着。兼才欲叙述存之，慮學識淺陋，不足取重。謹呈鑒並乞序言！他日其地新屬，是書得行，夫子鴻裁，於海外有光矣。前月呈准留京，日來重訂雜作，於舉業未能加意揣摩；初秋氣爽，當急治之。

### 上汪瑟葦先生

月前接誦手書，備荷訓誨殷殷，兼才既勉且愧。烈心營道，非末學所敢言。第以居大賢門下，與聞至教，頗知自愛耳。知縣一官，缺有繁簡、地有難易，錢穀、刑名均關政要；能者出以庇民，不能者恐不足庇己。兼才自問，實無以自信。若修舉廢墜、作興學校，一、二應爲之事，教職官閒任久，紳士敢於出頭，雖中材之人，皆得計年終事，無惡於人。又其職居官民之間，耳目最近，民情易知，事關案牘，是非不昧，即可爲名教倚託。官無大小，視乎人爲，兼才常以此自勵。入闈一役，又未有了期。是以藉此辭去。

蛤仔難紀略，前謝君以論證一門未合時議，故未見寄；茲得稿抄呈。此地收撫，事



關本省大吏。此外即有人奏聞，而該管督撫奉旨查覆，倘復小心畏事，未獲俯順民情，仍屬無益。札中所示，仰見關心海外，一視同仁。由中之言，謨猷及遠；雖未舉行，東瀛之人，已陰受其福矣。兼才已循例留都，秋來頗事摩揣。若欲勉步時趨，纂綴秘書、撫拾僻語，非素所習；良有未能。因遠絳帷，近課無從請正，曷勝翹企。

## 上鄧書先生書

九月九日，同門謝兄愚愷同自江西袁州。謝兄追隨使署有年，於夫子作養人材、振興文教諸大政，言之尤詳。斯文宗主，於是乎在。兼才久離絳帷，屢展期望。惟念中年得力師友多在京師，非遇會試，實正無期。計戊午通籍以來，已逾旬年，中間調任，亦經三易。而所歷實傳，及今僅滿五載，皆爲會試一役。遷延歲月，誠以虛冒教人之名，不如糾屢受教之實。故雖長途阻顯，虛費俸錢，未嘗少悔。明冬又值夫子還京之期，兼才獲編就正，私心益殷。始仔難紀略已梓於前臺郡守楊公廷璽，內備四圍，并以謝博士金璧原序。楊太守未知兼才未序於夫子，而謝博士則深喜是書得因兼才就正，以求得快觀師序爲憾。楊太守爲全臺倚賴，在勤事便民。南北路巡行，僕從數僅盈十一；遇有驅使，千人立設。供應省而呼應靈，爲足感衆心而寒誠膽。當始仔難雨過，民既趨其去；迨薄、泉城間，民益顯其來。大吏不得已，願權太守往彈壓。乃以今秋八月，領空衙東

## 雜著卷六

### 上辛筠谷侍御

兼才舊夏寄一函，內附哈仔欄紀略鈔本。哈仔欄向未內屬，舊冬梁九山據謝退谷所著紀略，條列奏聞，今已奉旨收撫。紀略一書，夏間已梓於前臺郡守雙梧楊公；如得其本，當卽寄覽。古人以林下優游爲第一好事，然今古不同勢，彼此不同俗，若鄉里多故，地方官勢重，反不如遠守一官，猶得優游自在。兼才家近漳、泉，此事素習，敢以爲言。前辭長寧縣之擢，汪瑟菴、莫寶齋二師頗不以爲然。瑟菴師來書，援歐陽永叔「文學止於潤身、政事可以及物」二語相勸勉。竊謂教官雖職處於閒，亦足及物，但不能及遠；縣令勢足及遠，而職卑多掣肘，亦未盡足及物。所謂可以及物者，非惟視其官，亦宜兼計其人。若吾師官居清要，爲朝廷耳目，今又十載歸養；吏治民風，聞見愈悉。他日出山，以所閱歷形諸章奏，直不崇朝雨徧天下。移孝作忠，吾身親見，夫豈細事！永叔二語，蓋非吾師莫能當也。區區之見，藉便上陳，伏惟鑒察。

羅生月讀雜著（書種堂六種時藝堂存小序之一）

月讀，書中一事也；時藝，又書中一事也。功令所關，而行之則視其人。兼才之